

وزیر اعلیٰ عمر عبداللہ نے آج ایک اعلیٰ سطح میٹنگ غی سدرات کرتاں واں راجوری جلع غا بدهال گراں مانہہ نازک طبی صورتحال غو جائیزو لیو بے واضع ره جے اس گراں مانہہ پُر اسرار بیماریاں نے ۶۱ جان لے لی ہیں جت ایک ہور متاثره شخص ایک نامعلوم بیماری سنگ جانبحق بو گیو بے اس

خطرناک معاملہ غی سنگی نانہہ اُجاگر کرتا واں وزیر اعلیٰ نے سہت تے پولیس محکمہ نانہہ تحقیقات مانہہ تیزی لیان غی ہدایت دتی ہیں اُنہاں نے کہیو جے ان اموات غی غیر واضح نوعیت انتہائی مشکوک ہے تے حکومت اس معاملہ غی اصل وجہ نانہہ جلد از جلد معلوم کرن بارے پوری طرح پُر عزم ہے وزیر اعلیٰ نے تمام محکماں ور زور دتو جے وے آپسی تعاون سنگ اس مسئلہ نانہہ حل کرن مانہہ کوئی کسر نہ ٹھوڑیں اُنہاں نے کہیو جے میٹنگ غے دوران یاہ گل واضع کی گئی جے محکمہ سحت پچھلہ ۰۴ دنائیں علاقہ مانہہ فعال موجودگی برقرار رکھتاں واں ہے تے ایمبولینس دوائیں و ضروری سہولیات فراہم کی جارہی ہے تانجے ہنگامی حالات سنگ نمٹئیو جاسکے۔ اس صورتحال نانہہ انتہائی اہمدی غے سنگ حل کر رہی ہے۔

PREZ ARJUNA AWARDS

سر جمہوریہ محترمہ دروپدی مرمو نے قومی کھیڈ اعزاز ۲۰۲۲ راشٹری بھون نوی دہلی تیں عطا کیو اہم اعزازات مانہہ میجر دھیان چند کھیل رتن اعزاز شامل تھو جیہڈو عالمی شطرنج غی کھیڈ جتن آلہ ڈی گوکیش پیرہ اولیمپکس غی دوہری میڈالسٹ منو بنگر تے مرداں گا باکی ٹیم غا کپتان برمن پریٹ سنگھ تے پیرس پیرہ اولیمپکس پروین کمار نانہہ دتو گیو۔ پیرہ شوٹنگ کوچ سبھاش رانا شوٹنگ کوچ دیپالی دیش پانڈے باکی کوچ سندپ سنگوان بیڈمنٹن کوچ ایس مری دھرن تے فٹ بھال کوچ ارمانڈو ایجنیلو نانہہ دھیان چند اعزاز نال نوازیو گیو۔ ارجن اعزاز ۲۳ کھیڈاریاں نانہہ دتو گیو تے چندیگرھ یونیورسٹی نانہہ مولانا ابو ال کلام ازاد اعزاز تیں نوازیو گیو کیونجے یاہ کھیلو انڈیا مانہہ شاندار کارکردگی دکھان آلی یونیورسٹی تھی۔

ARJUN AWARDS

جموں کشمیر واسطے یافخر آلی گل ہے جے آج ریاسی ضلع توں تعلق رکھن آلا پیرا تیر انداز راکیش کمار نانہہ نوی دلی مانہہ ارجن اعزاز سنگ نوازیو گیو۔ صدر جمہوریہ دروپدی مرمو نے باوقار اعزاز تیں نوازیو یوہ اعزاز بین العقوامی مقابلہ مانہہ شاندار کارکردگی جن مانہہ ۲ ہزار ۴۲ پیرس پیرا اولیمپکس مانہہ تاریخی کانسی تمغو شیتل دیوی سنگ حاصل کیو تھو اس اعزاز نانہہ حاصل کرن سنگ جناب کمار تیجا پیرا تیر انداز بن گیا ہیں اس تیں پہلاں ۲ ہزار ۱۲ مانہہ برویندر سنگھ تے ۲ ہزار ۴۲ مانہہ شیتل دیوی نانہہ اس اعزاز سنگ نوازیو گیو تھو وابل ذکر ہے جے پیرا تیر انداز مانہہ ہون توڑی ان ترا افراد نانہہ اعزاز سنگ نوازیو گیو جن بچو دو گو تعلق جموں کشمیر سنگ ہے۔

IMRAN KHAN SENTENCED

پاکستان غا سابق وزیراعظم عمران خان نانہہ ۰۹۱ میلن پونڈ القادرٹرسٹ معاملہ مانہہ ۴۱ سال قید غی سزا سنائی گئی ہے تے اُن غی اہلیہ بشرہ بی بی نانہہ ۷ سال قید غی سزا دتی گئی ہے یوہ فیصلو اج جج ناصر جاوید رانہ نے اڈیالہ جیل غی عارضی عدالت مانہہ سنایو جت سخت حفاظتی انتظامات کیا گیا واہ ہیں قید غی سزاواں گے نال نال عمران خان ور ۰۱ لکھ پاکستانی روپیہ غا جرمانی وی عائد کیا گیا ہیں واضع رہے جے عمران کان سال ۲۰۲۳ تیں بکھ بکھ قانونی مقدمات غی وجہ سنگ جیل مانہہ ہیں جنہاں نانہہ وے سیاسی طور متاثرہ قرار دیں۔

ANNOUNCEMENT

علاقائی خیراں آلو شعوبو آکاشوانی جموں نے کٹھوعہ ضلع واسطے پارٹ ٹائیم نمائندہ غی درخواست طلب کیں ہیں فہرست مانہہ شامل ہون واسطے کٹھوعہ ضلع مانہہ ربن آلا ۴۲ سال تیں

۰۵ سال غی عمر غا اُمیدوار درخواست طلب کرسکیں پی ٹی سی واسطے کم از کم ضروری قابلیت پی جی ڈپلمو یا صحافت مانہ ڈگری تے یا پھر کسی تسلیم شدہ یونیورسٹی تیں ۲ سال غو صحافتی تجربہ غے نال گراجیوایشن اس تیں علاوہ کمپیوٹر تے ورڈ پروسیسنگ غو علم خبر جمع کرن تے الیکٹرونک میڈیا کورریج غو تجربہ ضروری ہے۔ اُمیدوار نانہ ڈسٹکٹ ہیڈ کوارٹر تے میونسپل گی حدورتیں ۰۱ کلو میٹر گا دائیرہ مانہ ہونو چاہیے تمام ضروری دستاویزات غے نال درخواست غی بارڈ کاپی ۵۱ فروری ۵۲۰۲ توڑی ہیڈ ریجنل نیوز بولیٹ آکاشوانی جموں غے دفتر مانہ پُجائیں جس غو پین کوڈ ہے ۱۰۰۰۸۱ درکواست اشتہار ماری ور بوم پیج غا اخیر مانہ آسامیاں آلہ آکن ور دستیاب ہے۔ www.newsonair.gov.in ویب سائٹ

WEATHER

محکمہ موسمیات نے ۰۲ تے ۱۲ جنوری نانہ ہلکی بارش تے اُچیراں علاقاں مانہ برف باری گی پیشن گوئی کی ہے اس ضمن مانہ مزید جانکاری دتی گئی ہے جے ۲۲ تو ۳۲ جنوری بشکار جموں گا میدان علاقہ مانہ ہلکی توں درمیانی درجہ گی بارش ہوسکے جدکہ گجھ ہی علاقہ مانہ برف باری گی پیشن گوئی کی گئی ہے

PM MAN KI BAAT

وزیر اعظم نریندر مودی ۹۱ جنوری نانہ اکشوانی ور من غی بات پروگرام مانہ ملک تے بیرون ملک رین آلا بھارتیاں سنگ اپنا خیالات سانجی کریں گا واضع رہ جے یاہ مہینہ وار ریڈیو پروگرام گی ۸۱ ویں قسط وے گی یاد رہ جے اس پروگرام مانہ عوام اپنا خیالات تے تجویز ٹال فری نمبر ۰۰۸۷۱۱۰۰۸۱ ور بھیج سکیں تے نریندر مودی ایپ یا مائی گوو اپن فورم غے زیرے وی عوام اپنا خیالات نانہ سانجھا کرسکیں قابل ذکر ہے جے آن وُلا مہینہ وار پروگرام واسطے تجویز اس مہینہ گی ۷۱ تاریخ تک قبول کی جیں گی۔

CUJ TB CAMP

سینٹرل یونیورسٹی جموں نے ڈائریکٹوریٹ آف ہیلتھ سروسز جموں گا تعاون تیں ٹی بی مُکت بھارت گا ۰۰۱ تہاڑا غے پیش نظر یونیورسٹی گا عملہ نانہ تپ دق غی روک تھام ٹیکنٹرول گا بارا مانہ آگاہی دین واسطے ایک روزہ تپدق آگاہی کیمپ غو انعقاد کیو کیمپ گو انعقاد وزٹیس چانسلر پروفیسر سنجیو جین غی رہنمائی مانہ کیو گیو کیمپ مانہ داکٹر نسرین ڈاکٹر گیتانجلی تے ڈاکٹر سونا سمیت ممتاز ماہرین غا معلوماتی سیشن شامل تھا۔ اُنہاں نے تپ دق غی علامت علاج تے احتیات بارے تفصیلی جانکاری دتی اس تقریب نانہ سینٹرل یونیورسٹی جموں گا سنئیر میڈیکل آفیسر ڈاکٹر وجیتا پوری غا تعاون غے نال کیو۔

DIC KISHTWAR

ضلع صفتی مرکز یعنی کشتواڑ غی طرفوں پی ایم ویشوہ کرما سکیم غے تھت قستحق افراد غا اندراج بارے پلک ضلع صفتی مرکز کتواڑ تے پنچائیت کھر ڈول مانہ ایک خصوصی کیمپ غو انعقاد کیو جاریو ہے جنرل منیجر ڈی آئی سی کشتواڑ فیلل سنگھ نے اس سکیم تیں مستفید ہون آلا افراد نانہ اپیل کی ہے جے وے برتن سازی سو تیار کاری موچی کاری جال بنان ہتھوڑہ و اوزار سازی جیسا پیشاں مانہ مصورف ہون غی صورت مانہ اس قومی کیمپ مانہ شرکت کریں تانجے وے پی ایم وشو کرما سکیم غے تحت اپنی رجسٹریشن کرواسکیں۔